


傷寒直格心得



河間劉守真傷寒直格卷中

臨川葛維編

新安吳勉學校

習醫要用直格

傷寒總評

傷寒六經傳受

（經言）寒傷形寒傷皮毛寒傷血寒傷榮然寒主閉藏而腠理闕密陽氣怫鬱不能通暢怫然內作故身熱燥而無汗故經曰人之傷於寒也則爲病熱又曰夫熱病皆傷寒之類也內經旣直言熱病者

言一身爲病之熱氣也以至仲景直言傷寒者言  
外傷之寒邪也以分風寒暑濕之所傷主療不同  
故只言傷寒而不通言熱病也其寒邪爲害至大  
故一切內外所傷俱爲受汗之熱病者通謂之傷  
寒也一名大病者皆以爲害之大也又春曰溫病  
夏曰熱病秋曰濕病冬曰傷寒傷寒者是隨四時  
天氣春溫夏熱秋濕冬寒爲名以明四時病之微  
甚及主療消息稍有不等大而言之則一也非爲  
外傷及內病有此異

云冬伏寒邪於肌膚骨  
夏變爲熱病秋變爲濕

肉之間至於春



病冬變病爲正傷寒病者及名冒其寒而内生怫  
熱熱微而不即病者以至將來陽熱變動或又感  
之而成熱病非謂伏其寒氣而反變寒爲熱也經  
曰冬傷於寒春必病溫亦其義也亦有一時冒寒  
而便爲熱病者或感四時不正乖戾之氣或隨氣  
運興衰變動或內外諸邪所傷或因他病變成或  
因他人傳染皆能成之但以分門隨證治之耳經  
言此六經傳受乃外傷於寒而爲熱病之大畧主  
療之要法也

大法曰傷寒一日太陽受之故頭項痛腰脊強

傷寒正統 卷中  
一此足太陽膀胱之經也故與經言五日足少陰腎  
水爲其表裏或言爲手太陽者誤也此六經之證  
也或以此直云傷寒不傳手經者亦誤也豈不詳  
熱論云五臟六腑皆受病又刺熱篇皆言五臟熱  
病但以熱病多于足經而其病甚少于手經而其  
病微且與足經微爲兼證汗下之治但分表裏故  
不單言手經而但寄於足經而已若針刺則本經  
補瀉各分五臟手足之經矣

一日陽明受之故身熱目疼鼻乾不得眠也

二日少陽受之故胸脅痛而耳聾

四日大陰受之故腹滿而咽乾

五日少陰受之故目燥舌乾而渴

六日厥陰受之則煩滿囊縮

或言傳手厥陰包絡相火則水火既濟而愈傳足厥陰肝經則土敗木賊而當死者妄說也此經言足厥陰肝經之證也

大法曰前三日三陽病在表故宜汗之

汗洩熱退身涼而愈

後三日三陰病在裏故宜下之

下退裏熱則怫熱宣通汗出氣和而愈也亦有內

熱下盡無汗氣和而愈者也或者曰前二日寒在表者誤也此皆熱證也

或未愈者再經衰之七日太陽病衰自此以下皆言病日衰滅頭項少愈八日陽明病衰身熱少愈九日少陽病衰耳能微聞十日太陰病衰身熱少愈腹滿如故十一日少陰病衰渴止不滿以言腹不復滿舌乾已而嘔十二日厥陰病衰囊縱少腹微下大氣皆去言大病熱氣散去病則瘳音抽矣

此亦大畧言之耳傷寒傳受不必拘此但以明其諸證而如法治療耳

裏外傷

如得病脉便沉而裏病表和者內傷也脉浮而表病裏和者外傷也

病在身體四肢爲表病 病在胸腹之內爲裏病

表裏證

身熱爲熱在表 言皮膚壯熱而反增寒非謂自發

熱燥也

引飲煩渴或小便黃赤爲熱在裏身熱飲水或小便

黃赤爲表裏皆有熱身涼不渴小便清白則表裏皆

無熱

不言爲寒者蓋表裏熱微則亦有身表不熱而裏亦不渴故也

渾身疼痛拘急表熱惡寒而脈浮者皆爲熱在表也引飲譫妄腹滿實痛發熱而脈沉者皆爲熱在裏也胸膈痞痛或嘔而寒熱往來脈在肌肉不浮不沉則邪熱半在表半在裏也

夫邪熱在表而淺邪微而畏止故病熱而反增寒也寒則腠理益闕而怫熱益加故也邪熱在裏而深邪甚則不畏於正物盛其極故不惡寒而反自惡熱也半在表半在裏進退無常則寒熱往來

爲

多脉梢浮熱多爲裏多脉稍沉也諸病寒熱並同懷  
瘧疾反此由表之正氣與邪熱并之於裏表氣虛而  
裏熱實亢則害承乃制故裏之火熱極甚而反兼寒  
水之化制之故病熱極而反寒戰也臨汗而戰及諸  
戰皆然寒戰爲裏熱表虛故也飲水而脉微不見也  
裏之正氣與邪氣并出於表則表熱裏虛是以煩熱  
汗出而脉浮也經以熱并於裏之陰分則爲陰勝而  
發寒熱并於表之陽分則爲陽勝而發熱也俗未知  
其爲表裏之陰陽而妄爲寒熱之陰陽故皆失內經  
之本旨也夫傷寒之寒熱者惡寒爲表熱裏和故脉

浮發執爲裏熱表氣不虛故發熱而脈沉實也氣并不并故寒熱相反而有微甚也熱并則甚不并則微也

### 主療

傷寒表證當汗而不可下

反下之則畜熱內餘而成結胸或爲虛痞痞懊憹喘滿腹痛下利不止發黃驚狂斑出諸熱變證危而一死矣

裏證當下而不可汗

反汗之則熱甚發黃驚狂斑出譫妄而喘悶亂危



極而死矣

半在表半在裏則宜和解

相和通解表裏也

不可發汗吐下妄治之則有前諸證

在主則漏

音湧吐也

言病在鬲上如胸滿而嘔或眩暈關前緊甚者宜

瓜蒂散吐之

在下者洩之

言蓄熱下焦則承氣抵當之類洩之皆隨病所在

攻之

傷寒直格 卷中 一八  
傷寒無汗表病裏和則麻黃湯汗之或天水散之類  
亦佳

身熱惡寒無汗脉浮緊而數者

表不解半入於裏半尚在表者小柴胡湯主之或天  
水涼膈二藥各一服合同服之尤佳表裏之熱勢俱  
甚者大柴胡湯微下之更甚者大承氣湯下之

表雖未罷而裏證已甚若不下之則表熱更入於  
裏而裏熱危極宜以大柴胡大承氣下之雙除表  
裏之熱則免使但下裏熱而下後表熱乘虛又入  
于裏而生結胸及痞諸病之類也

表熱多裏熱少天水半涼膈半以和解也

煎涼膈半服調天水一服上下同法

裏熱多表熱少未可下之者涼膈一天水半調之勢更甚者小承氣湯下之表證罷但有裏證者熱傳于裏也調胃承氣湯下之但除裏熱也凡此諸可下之言大柴胡三承氣諸下證通宜三乙承氣下之善能開發峻効而使之無表熱入裏而成結胸及痞之衆病也

發汗不解下證前後別無異證者通宜涼膈散調之以退其熱便無熱甚危極也除此之外遠勝小柴胡

湯兩感倣此而已

但隨表裏微甚而以調之兩感謂一日太陽與少陰兩證俱見二日陽明與太陰三日少陽與厥陰俱病前六經之證是也

傷風自汗表病裏和者桂枝湯解肌

無汗爲傷寒不可服桂枝湯

有汗爲傷風不可服麻黃湯

半在表半在裏脉在肌肉而半入于裏曰虎湯和解之病在裏脉當沉也大承氣湯下之一法無問風寒暑濕有汗無汗但有可下諸證或表裏兩證俱不

見而病日深但目睛不了了者昏昧不精明或腹滿實痛者或煩渴或譫妄或狂燥喘滿者或畜熱極深而將死者通宜大承氣湯下之或三乙承氣湯下之尤良傷寒大發汗汗出不解反無汗脉尚浮者蒼朮白虎湯再解之

或中暑大汗自出脉虛弱頭痛日乾倦怠煩燥或時惡寒或畏日氣無問表裏通宜白虎湯或裏熱甚腹滿而脉沉可下者宜大承氣湯或三乙承氣湯尤妙傷寒表熱極甚身疼頭疼不可忍或眩或嘔裏有微熱不可發汗吐下擬以小柴胡天水涼膈之類和解

恐不能退其熱勢之甚者

表熱勢甚而裏已有熱發表未開則陽熱裏甚故不宜汗之表熱勢甚若吐下之則表之熱大虛而入反成結胸等證則危極也

或大下後或再三下後熱勢尚甚而不能退本氣損虛而脈不能實擬更下之恐下脫而立死不下之則熱極而死寒溫諸藥不能退其熱勢之甚者或濕熱內餘下利不止熱不退者或因大下後濕熱利不止而熱不退脈弱氣虛不可更下者或諸濕熱內餘小便赤澀大便溏泄頻併少而急痛者必欲作痢也

宜黃連解毒湯以解之也

或裏熱極甚而恐承氣不能退者或以下後而熱不退者或畜熱內甚腸厥極深以至陽氣拂鬱不能榮運於身表四支以致通身清一作青冷痛甚不堪頭背拘急目赤睛疼昏眩恍惚咽乾或痛蹙渴虛汗嘔吐下利疫滿實痛煩免悶亂喘急鄭聲

鬱鬱滯不通鄭首聲連濁邪惡而不清雅也此乃熱勢過極而詔音濁亂不能清利也俗反妄傳以爲寒極陰毒誤之甚矣

脈須疾數以其極熱畜甚而脈道不利及致脈沉細

傷寒直格 卷中  
而欲絕俗未明其造化之理而反謂傳爲寒極陰毒者或始得之陽熱悉甚而便有此證候者

夫辨傷寒陰陽之異證者是以邪熱在表腑病爲陽邪熱在裏而臟病爲陰也俗乃妄言有寒熱陰陽之異證者誤之久矣且素問傷寒直云熱病誠非寒也其二篇名曰熱論刺熱篇評熱病篇及逐篇明言爲熱竟無寒理兼素問及靈樞諸篇運氣造化之理推之則明爲熱病誠非寒也寒病固有夫非汗病之謂也且造化爲汗液之氣者乃陽熱之氣所爲非陰寒之所能也以觀萬物熱極而出



液明可知矣。經曰：夫熱病皆傷寒之類也。又曰：熱之傷於寒也，則爲熱病。然既身內有陰寒者，止爲雜病，終莫能爲汗病也。況病法曰：身熱爲熱在表，飲水爲熱在裏，其傷寒汗病本未身涼不渴小便不黃，脈不數者，未之有也。雖仲景有四逆姜附之類，熱藥是以治其本裏，和誤以寒藥下之太早，表熱未入於裏而寒下利不止，及或表熱裏寒而自利者，急以四逆湯攻裏，利止裏和，急以解於表也。故仲景四逆湯証後復有承氣下熱之說也。由是觀之，傷寒汗病，經直言熱病而不言其有寒無疑。

也經言三陰証者爲邪熱在臟在裏以臟與裏爲陰也宜下熱者也夫傷寒陰陽之別者但非表熱當汗而下之則死裏熱當下而汗之亦死故仲景曰桂枝下咽陽盛卽斃承氣入胃陰實卽亡死生之要在乎須臾視身之盡不暇計曰此陰陽虛實之交錯其候至微發汗吐下之相反其禍至速而醫術淺短者醫然不知病源爲始乃誤使病者殞沒然則已謂邪熱在表則汗之邪熱在裏則下之熱在上則吐之熱在下則泄之邪熱半在表半在裏則和解之豈分寒熱陰陽之虛何與陰陽汗病

之證。况朱奉議自言陰毒脉疾至七至八至已  
上疾不可數者。陰毒已深也。夫既云疾至八至已  
上疾不可數者。止是陽熱極深之脉也。豈是陰寒  
歟。凡世俗所謂陰毒諸證。以素問造化驗之。皆陽  
熱亢極之證。但畜熱極深在內。而身表有似陰寒  
也。經云亢則害。承乃制。言五行之道。實甚過極則  
反似尅其已者。是爲兼化。如萬物熱極。反出水液。  
以火煉金。熱極而反似水。是以火極而似水之化  
也。五行皆然。故肝熱甚則出泪。心熱甚則出汗。脾  
熱甚則出涎。肺熱甚則出涕。腎熱甚則出唾。今傷

寒爲作汗之病氣者乃陽熱怫鬱而否極復泰卽  
熱氣蒸蒸而爲汗出也如天時陽熱亢旱否極而  
泰則復爲雨也故欲雨則天乃鬱熱晴霽則天反  
涼人涼則病愈熱在病在故病寒者自是寒病非  
此汗病之氣也雖寒屬陰水而天地陰陽氣液相  
生之道則寒之化不能更生陰水也故古聖曰陽  
中生陰陰中生陽氣中生液液中生氣又曰積病  
生氣積氣生液又經曰氣和而生猶液然氣爲陽  
物故萬物之水液皆生於陽熱之氣如天氣陽

極甚則萬物溫潤而冬寒萬物乾燥

經曰汗之病氣本熱非寒明矣故經又曰

溫成溫病者先夏至日爲溫病後夏至日爲暑病暑與其汗皆出止言邪熱隨汗皆出盡而愈也經曰飲食飽甚汗出於胃驚而奪精汗出於心重遠行汗出於腎疾走恐懼汗出於肝搖體勞苦汗出於脾此皆動亂勞苦而致陽熱以爲汗出豈可反言作汗之病以爲陰寒耶今之俗醫不明陰陽變化之道而妄取陽主於生陰主於死而欲養於陽熱者殊不知此言自生之後以顯爲陽陽中生陰故生者死之道也既死之後以隱爲陰陰中

生陽故死者生之道也此古人之論道乃死生有  
無動靜隱顯之陰陽非言寒熱之陰陽也俗又妄  
言仙經云純陽升而爲仙純陽死而爲鬼因以養  
陽熱者亦不知此以陽主虛無而言神爲陽正形  
體而言形爲陰言善養生者調順陽陰煉就陽神  
超升弃其陰體卽純陽之神迺爲仙也不明道者  
寒熱不調以致陰陽勝負耗絕陽神惟存陰殼則  
遊魂冥冥非鬼何哉此則脩養家言形神之陰陽  
而非醫家寒熱之陰陽也俗又妄謂周易以陽爲  
善爲剛爲清爲正而陰邪反之因以

以爲教非言一身寒熱之陰陽也故唱健唱命而  
陰順和之陰順和之則陰陽和平而同歸言道非  
以乾陽特爲熱也且夫子云乾爲天爲圓爲君而  
父爲玉爲金爲寒爲冰然則乾之純陽豈謂熱耶  
此亦非特取寒冰爲陽是取寒冰之勁健整肅清  
剛爲乾健之象耳夫寒熱之卦坎爲中男廼少陽  
之卦卽寒冰也離中爲女乃少陰之卦卽火熱也  
坎離水火爲夫婦而易以陽剛坎水寒者爲夫而  
陰柔離火熱者爲婦亦非以熱爲陽剛而寒爲陰

柔也故易言陰陽者但以明其物象而非素問論  
病寒熱陰陽之氣也設云乾爲寒者本非取乾陽  
爲寒但取寒之勁慄清整像乾之道也俗又妄言  
人生則身溫而死則身冷及病雖身熱未至於死  
將死者必熱反變寒而後死也因云陽則生陰則  
死以此專欲養於陽熱殊不知一身之內寒暑燥  
濕風火六氣渾而爲一兩停則和平一興一衰病  
以生也夫和平之常者溫涼得所適當其陽和之  
氣如俗云人體溫和是也然冬寒而人腠理闕密  
則身當溫而夏熱則腠理開通而多汗出則身故



微涼相反者病過與不及亦病其中臟腑陰

為根本則固守陽和之氣但當溫和乃為和平  
臟腑之氣各隨五行休囚旺相死之時位而微有  
虛實不一也此之虛實乃自然之道而不為病者  
然冬腎水陰至而寒復以天氣寒則腠理闕密而  
陽氣收藏固守於內則適當其平而以能內外之  
寒夏心火陽旺而熱復以天氣熱則膚腠開泄而  
陽熱散越於外適當其平而以能內外之熱萬物  
皆然此陰陽否泰大道造化之理蓋莫大乎此也  
然雖秋冬否閉此以其肺腎陰王而得其所故康

彊省病而病亦輕微也春夏開泰以其肝心陽王

故肱音區弱多病而病熱怫鬱則陽氣散越故病甚

而多死亡及夫地理方位高下四時寒熱溫涼寒

危壽夭病同故經曰陰精所奉人多壽陽病所奉

其人夭又仙經西山記言平人四時嘗有晷謂三

焦相火無不足入節不得吹謂腎臟陰難得實然

則豈可不明陰陽虛實但欲養於陽熱耶凡病致

死於者陽和氣既不在則止為陰濕形體而已非

何哉俗未知熱甚則熱蓄於內而陽氣不能營運

於四肢身不故四肢逆以故身冷冰細而

處畜熱甚者氣血不通而身面俱青此則畜熱之  
深也所以仲景言傷寒熱極失下則厥厥深者熱  
亦深而厥微者熱亦微如此則熱極而外者莫不  
身冷脉微而以至於絕也俗未明其然直反妄曰  
陽在則生陽去則死又曰陽熱變爲陰寒則死因  
以但欲養其陽熱而反致殘陰暴絕則陽氣後竭  
而死者不爲少也俗醫未深明造化又以妄爲傷  
寒得之勢惡陽勢暴甚而便畜熱以深身冷厥逆  
手足無復溫和者直以爲寒極而爲陰厥以對陽  
厥及表裏熱勢俱甚而不畜熱於內者以爲陽毒

以配陰毒分爲寒熱陰陽之異證曾不知傷寒汗病便是熱病寔無陰毒陰厥者也嗚呼病本熱甚熱蘊於裏則陽氣陷下以至厥逆身冷或青而脉微乃妄以寒極而內外急救其陽而反招其暴害因以妄言必死之證間或彊實之人素本不衰及熱鬱怫結况衰微者偶中辛甘熱藥發散而腠理氣通怫熱以隨汗泄而愈者遂以爲必死之病而救之以活反恨往之死者救助其陽之不及因以互相議論但見畜熱內結厥逆者或未厥者早以溫之無用寒涼恐脫陰毒陰證而死俗醫治傷寒

悞人多者無過於此後學之士池以素問運氣自  
然造化之理原其標本則明可見焉且以依法救  
人慎勿惑於衆人之言故經曰謹熟陰陽無與衆  
謀又曰知逆與從正行無問此其道也

或兩感勢甚者通宜解毒加大承氣湯下之熱不退  
者宜再下之然雖古人皆云三下之熱未退即死矣  
亦有按法以下四五次利一二行熱方退而得活者  
免致不下退其熱而必死也下後熱稍退而未愈者  
黃連解毒湯調之或微熱未除者涼膈散調之或失  
下熱極以致身冷脉微而昏冒將死者急下之則殘

陰暴絕而死蓋陽氣後竭而然也不下亦死宜涼膈散或黃連解毒湯養陰退陽畜熱漸以宣散則心胸復暖脈漸以生至於脈復而有力方可以三一承氣湯下之或解毒加大承氣湯尤良後下後微熱不解涼膈散調之愈後常宜服愈熱之藥忌發熱諸物

傷寒表證

夫傷寒之候頭項痛腰脊彊身體拘急表熱惡寒不煩燥無自汗或頭面目痛肌熱鼻乾或胸滿而喘手足指未微厥脈浮數而緊者邪熱在表皆麻黃湯發汗之證或天水散之類甚佳無使藥不中數而益

益元散

一名益元散 一名益元散

治身熱嘔吐泄瀉腸澼下痢赤白治淋閉癢悶痞疔  
利小腑偏主石淋蕩胸中積聚寒熱大益精氣通九  
竅六腑津液去留結消畜水止渴利中除煩熱心燥

治腹脹痛悶補益五臟大養脾腎之氣

此腎水之臟  
非胃土之腑

也理內傷陰痿安魂定魄補五勞七傷一切虛損主

瀾瘵驚悸健忘止煩滿短氣臟傷咳嗽瘵飲食不下

肌肉疼痛治口瘡牙齒疳蝕明耳目壯筋骨通經脈

和氣血消水穀保真元解百藥酒食邪熱毒耐勞役

饑渴寒熱辟中外諸邪所傷久服強志輕身注顏益  
壽及解中暑傷寒疫瀉饑飽勞損憂愁思慮恚怒驚  
恐傳染并汗後遺熱勞復諸疾兼解兩感傷寒能遍  
身結滯宣通和氣而愈及婦人下乳催生并產後損  
液血虛陰虛熱甚一切諸證並宜服之兼愚吹乳乳  
發或心覺吹乳乳癰癩服即愈迺神驗之仙藥也  
石淋服金石熱藥結爲砂石自小便中出痛不可  
忍

傷風表證 一曰中風

傷風之候頭痛項強股節煩疼或口疼肌熱乾嘔



喘鳴手足溫自汗出惡風寒脈陽浮而緩陰浮而弱

也

關前曰陽  
關後曰陰

此爲邪熱在表皆桂枝湯解肌之證也

或汗出憎風而加項背強痛者宜桂枝湯加葛根湯也反無汗者宜葛根湯也雖已服桂枝反煩不解而無裏證者先刺風池風府却與服之或服桂枝大汗出脈浮而洪大再宜服之發汗後半日許復熱煩脈浮數者再宜桂枝湯也當汗而反下之不成結胸而但下利清穀不化表證尚在者表熱裏寒也

此言承氣寒藥下之者也或誤用巴豆熱藥下之而腸熱利不止者或表裏皆熱自利或嘔者皆宜

五苓散止利兼解表也

急以四逆湯溫裏利止裏和急以桂枝湯解表

或表執裏和下利同法

或陽明病脈浮遲汗出微惡寒或太陰病腹滿而脈浮或宜汗入下之但氣上衝而脈浮者並宜桂枝湯也

脈反沉實者大承氣湯下之

或下之早而心下痞汗出惡寒脈浮者表未解也先發以解表而後以大黃黃連瀉心湯以攻其痞也

大承氣湯下血下焦者見瀉先桂枝湯解表也

以血也

宜桃仁承氣湯或抵當圓攻之

俱中風寒

頭項痛肢體疼手足溫爲中風也反無汗惡寒脉浮緊者爲陰寒也或頭項痛腰脊強身體拘急指末微厥不自汗爲傷寒也反煩燥而脉緩者爲傷風也風則傷衛而寒則傷榮

萬物必以陰求陽陽求陰陰陽相應則爲和平故榮者陰氣也寒加之則傷耳故又曰寒傷血血亦陰也衛陽氣也風亦陽也故風加之則傷耳故曰

熱傷氣氣爲陽也經言陰寒主於閉藏而陽熱主  
於開泄故寒傷榮則腠理閉密怫熱內作燥熱而  
無汗故脉數浮而緊也風傷衛則腠理開泄而自  
汗也故脉浮而緩以邪熱泄越故脉不能實陽明  
主於肌肉故自汗多而脉反遲也熱乃陽中之至  
陽故傷熱氣則大汗自出病雖爲熱脉不能實而  
虛弱也然怫熱痞閉無汗者故當病也其汗泄通  
泰而亦病者蓋泰極則否也夫人氣和而爲汗如  
天地氣和而爲雨過多則澇久不雨則旱有無多  
少貴乎應時興衰失常則災害至矣萬事皆然

榮衛俱傷則表裏熱甚也宜大青龍湯

小青龍湯治傷寒表未罷心下有水氣

表雖未罷而已有熱入於裏怫鬱於胃則飲食水液不能傳化宣行畜積不散而爲此非裏熱大實煩渴引飲過多停積而爲病者

乾嘔發熱而欬或渴或利或噎或小便不利少腹滿或喘者

水不浸潤宣散滋潤腸胃臟腑故熱而渴或噎或喘或小腑不利少腹滿而喘也水液不能宣行則濕熱甚於腸胃故或利也

傷寒直格 卷中 三  
小柴胡湯治傷寒中風其病半在表半在裏

脈在肌肉不沉

不浮筋脉拘急

身體疼痛寒熱往來

惡寒爲表熱發熱爲裏熱

寒熱往來者邪

熱半在表半在裏也進退不已而言無常也

或嘔或欬胸脇痞滿硬痛下之前後無問日數及汗後餘熱不解或無問傷寒雜病蒸熱作發并兩感可和解者並宜服之

涼膈散

一名連翹飲子

治傷寒表不解半入於裏下證未全

或復未愈者或燥熱怫結於內而煩心懊懣不得眠者反無問傷寒雜病大人小兒臟腑積熱煩燥多渴

面熱頭昏唇焦咽燥舌腫喉痺目赤鼻衄頰頰結硬  
口舌生瘡痰實不利欬唾稠粘睡臥不安譫語狂妄  
腸胃濕燥便尿悶結一切風熱壅滯風眩瘡癬及傷  
寒陽明胃熱發斑下證未全者或誤服煖藥過多爲  
諸熱證并酒甚熱毒兼小兒癩癧痘瘡未出及驚風  
積熱傷寒不能辨別者或熱甚痘瘡已出未快者或  
熱極黑陷將斂者

小兒疹痘未出誤以熱藥發汗致使陽熱轉甚則  
重密出不快多致黑陷而斂因以世俗多癩疹不  
敢服藥以誤小兒諸病多矣亦不知古人所留涼

瀉之藥通治風驚積熱傷寒熱病縱誤是癍瘡亦使熱勢稍退而稀少出快早得痊安也若用此最爲妙也

閻孝忠集小兒方論未達錢氏本意不明造化之理反妄言疹病黑陷爲寒及曰凡癍疹始終不可服涼瀉之藥後人因之反致熱甚黑陷而死者不可勝計也閻公豈不詳自所編錢氏方治癍疹黑陷用牛李膏及百祥圓凡寒藥下之而多得痊愈者而不救則必死然則痘疹之爲熱病豈不明哉况經曰諸痛痒瘡瘍皆屬於心及夫癍瘡黑陷無



不腹滿喘喝

嘶聲

而小便赤澀不通豈不是熱極乎

况痲疹本因熱而生病勢轉甚也豈能反爲寒者

也

並兩感諸證

三陰三陽  
雙傳諸證

並宜服之或傷寒熱極將死

陰氣衰殘則不宜下下之則陰氣暴絕陽氣後竭而  
死矣惟宜養陰退陽以至脈復而有力而後以三乙  
承氣湯微下之下後未愈者更以涼膈散調之雖愈  
後猶宜少少服之庶邪熱不致再作也

白虎湯治傷風自汗桂枝證表未解半入裏可以和解者

脈在肌肉而不可下者也

或中暑自汗脈虛弱者

熱傷氣而反自汗大出故脈不能自實而反虛弱

或傷寒自汗脈滑數而實表裏俱熱

脈沉浮皆得有力而數身熱頭痛煩渴腹滿小便赤黃也

或三陽合病

言太陽少陽陽明合受其爲病之熱氣

腹滿身重難以轉

側口燥面垢譫語遺尿如誤發汗則譫言益甚下之則便額上出汗後必發黃

或厥逆自汗者是謂熱越

言自汗散越也

如或裏熱治脈厥

者或下證未全者兼和解兩感傷寒此方最解頭痛  
并止自汗無問中暑傷寒風熱雜病及傳染時疫本  
非外傷風寒脈便不浮而自汗頭痛欲作汗病者並  
宜服之

無問四時但隨證詳而用之他藥做此

五苓散 治中暑并傷寒大發汗後胃中乾煩燥不

得眠脈浮小便不利後熱煩渴及表裏俱熱飲水反

吐名曰水逆或攻痞不解或口乾煩渴小便不利或痞尚

在而利不止者或當汗而反下之利遂不止脈浮表

不解自利或小便不利者

凡用五苓散證無問脈之沉浮

或一切留飲不散以此散水止渴并解兩感太陽少陽俱病

經言六經病證者是也

或一切吐瀉霍亂無問寒熱及小兒瀉驚風無問急慢皆宜服

之

桂苓甘露散一名桂苓白木散

治傷寒中風冒暑飲食內外

一切所傷傳受濕熱內甚或頭痛口乾或吐瀉煩渴

或小便赤澀大便急痛或瀉痢間作并一切濕熱霍

亂吐瀉轉筋急痛腹滿痛悶或中外諸邪所傷而并

吐瀉者濕熱之時尤宜服之

并治小兒驚風

白朮散

治傷寒雜病一切吐瀉煩渴霍亂虛損及

氣弱久虛保衰老兼酒膈嘔歲

四逆湯

治傷寒表熱未入於裏誤以寒藥下之太

早其表熱本未入而因裏寒下利不止或表熱裏寒

目利不止者急以四逆溫裏

脈浮不渴小便清白不溫完谷不化者是也或辨

便溺之色者須更審其飲食萬物之色也或下後

協熱利不止者咽乾煩渴也謹不宜溫也宜五苓

傷寒直格 卷中 二四一  
之類散其濕熱也惟裏寒者可以溫之止其寒瀉  
利止裏和表謂尚在者急以桂枝湯解表也或雜病  
寒飲嘔吐者或寒濕泄瀉者

然雖雜病若濕熱吐瀉者不宜此方雖亦有濕熱  
痞閉之微者誤中辛熱開發而効甚者強劫不開  
則怫熱病轉加也惟裏寒可通用四逆湯也

茯苓半夏湯 治傷寒雜病一切嘔吐或喘欬頭痛者

半夏茯苓湯 治傷寒雜病嘔噦風眩疾逆欬喘頭

痛并風熱及胃吐食諸證

黃連解毒湯 治傷寒雜病并酒燥熱毒煩悶乾嘔

口燥呻吟錯語不得眠凡一切大熱狂燥喘滿及陽  
厥極甚畜熱內深俗妄傳爲陰毒者見前表熱太甚  
頭項支體痛不可忍脉洪躁裏有微熱不可汗者或  
濕熱內甚或欲作痢者

大便溏數而少急痛小便赤或澀者必欲作痢也  
或已利熱勢甚者并服本方及下之前後寒涼諸藥不能

退其熱勢之甚者兩感諸證同法

兩感者一日太陽與太陰俱病則頭痛口乾而煩  
滿二日陽明與太陰俱病則耳聾囊縮而厥通宜  
此方以退表裏諸熱朱氏不明此皆熱證妄言前

三日真爲病寒以四逆湯急溫裏而後以桂枝湯急解表大誤人也此二方皆不可用但隨表與裏熱勢微甚以退其熱使無致熱極而死者是也若勢甚宜下者加大承氣湯下之及夫經言此三日傳受亦大略之法也大抵宜隨證以施治亦不必拘也

或勢甚欲下慮不能退其熱者加大承氣湯下之或熱結極深而諸藥數下畢竟不能利不救必死者此法更下甘遂末一錢以下之

吐利同效

或但自熱結胸中

心胸高起腹雖不滿而但喘急悶結譫妄昏胃閉脉



沈數而緊者尤宜此法急以下

吐愈佳

瓜蒂散

治表證罷邪熱入裏結於胸中煩滿而肌

不能食微厥而脈乍緊者宜以吐之

諸可下證

大柴胡湯

諸服小柴胡湯證後病不解表裏熱勢

更甚而心下急鬱微煩或發熱汗出不解下心痞鞭

嘔吐下利

已土屬太陽

或陽明病多汗或少陰病下利清

水心下痛而口乾或太陰病腹滿而痛或無表裏證

但發熱七八日雖脈浮而數或脈在肌肉實數而滑

者及兩感諸證可微下者雙除表裏之熱者並宜此劑

大承氣湯 治大小二柴胡證後表裏俱熱病勢更甚者或陽明脉遲汗出不惡寒

陽明生肌肉熱甚自汗多故脉不能數而反遲也裏熱更甚故不惡寒而反微熱也

身重短氣腹滿而喘有時潮熱

惡寒爲表熱當汗而不可下發熱爲裏熱當可而不可汗

或手足心濺然汗出者

濺阻立切和

言唯我心足心氣似和然而汗出也

此大便已鞭也或吐下後不解不大便五六日至十餘日日晡潮熱不惡寒獨語如見鬼狀刺者發則不識人循衣摸床惕然而安微喘此陽明裏熱極甚也足陽明胃經外肌肉爲十二經之長內爲五臟之本六腑之大源故陽明胃病雖爲腑病其脈沉數而實者皆當下之也然腸胃熱甚則大黃自黃赤變褐以至於黑者難治也凡潮熱譫語不能食者腸中已有燥糞能食者但鞭耳舊云胸中有燥糞是寄手陽明證在足陽明也燥糞實非在於胸耳

或陽明病下之後心胸燥熱而懊懣煩燥者亡液或故也或煩熱汗出則解復如瘧狀日晡發熱而脈沈實者宜以下也

脈浮虛者桂枝湯主之

或六七日不大便目不了了睛不和無表裏証大便難身微熱者或小便利大便乍難乍易時發微熱喘胃不能臥者有燥糞也或三部脈皆平心下鞅或脈大而緊者或下利脈滑而數者或下利脈遲而滑者遲由熱泄不止而致之實非寒也

或少陽病二三日口燥咽乾者或目利清水色純

心下痞痛口燥者皆濕熱相搏於腸胃之內而成  
利也然熱則鬱結濕則痞閉故水液不結

浸潤於外則腸胃之外燥熱太甚而煩渴不止腸  
胸之內濕熱瀉也本因熱鬱而留飲以成濕也

或諸腹滿實痛煩渴譫妄脈實數而沉者無問日數  
並宜大承氣下之或裏熱燥甚腸胸怫鬱留飲不散  
煩渴止胸腹高起痛不可忍但嘔冷液大渴反不能  
飲飲亦不能止其渴喘急悶亂但欲死者熱服下咽  
立止其渴有若無病之人須臾大汗而愈至此往往  
多未利而汗出亦有藥力但隨汗之宜通則不利而

愈者也

小承氣湯

治傷寒日深恐有燥屎欲知之法少服

小承氣湯腹中轉失氣

謂動轉失泄之氣也

有燥屎也乃可攻

之不轉失氣者必初鞭後溏未可攻之攻之則腹滿不能食也欲飲水而噦其後發熱者大便復鞭而少也宜小承氣和之若腹大滿不通與小承氣湯微和胸氣勿大洩也或陽明多汗津液外出腸胃燥熱大便必鞭而譫語也或譫語脉滑疾或發汗吐下後微煩小便數大便因鞭者或下利譫語者多復有燥屎

氣

之或得病二三日脉弱無太腸

陽柴胡証煩心心下鞭至四五日雖然食少少與小承氣湯和之令小安

調胃承氣湯 治諸發汗和解吐後不惡寒但發熱而或蒸蒸然者或日深心下溫溫欲吐而胸中滿痛大便及溏腹微滿鬱鬱微煩先此時自極吐下者先蘇

切佃

先此時者先於此時之前已曾自極吐下而復此證也

或日深裏熱譫語法當承氣下之誤以銀粉巴豆燥熱大毒丸藥下之以致真陰損虛則邪熱轉甚甚者爲邪

衰者  
爲正

因而協熱下利不止脉反調和也

協胡切切  
和也合也

今言病本爲熱而又與辛熱大毒圓藥下之則兩  
熱協和相合而熱甚下利不止也下利脉當微厥  
而其熱藥攻之故脉反適當其調和也言有熱利  
不止而脉反平或滑實大而緊者也

反或表裏裏和而下之太早表熱乘虛入裏而或不  
成結胸但爲熱利不止心下滿鞭成痛煩渴咽乾脉  
滑數而或實者或諸腹滿實痛者

或煩渴譫妄者小便赤澁大便或鞭或熱泄脉滑實  
而緊甚也並宜調胃承氣湯下之



一承氣湯

通治大小調胃三承氣湯證

大法表證罷熱傳於裏則宜下之熱除即愈宜調胃承氣也此失下熱極則危而死矣表病裏和當汗之熱泄身涼即愈若反下之則表熱乘虛入裏而成結胸之類諸病也或表熱半傳於裏半尚在表則不可汗下宜小柴胡之類和解之也或表裏兩證熱勢俱甚而和解不能已者雖邪熱半在裏半在表法當寒熱往來以其表裏熱勢俱甚故亦不惡寒而俱惡熱也宜柴胡湯微下之通除表裏之熱也或誤用調胃承氣則止能攻裏不能除

其表熱或用小承氣多攻裏少除表則表熱乘虛入裏皆能爲害也其大柴胡證勢更甚者宜大承氣下之設未全愈而或有表之微淺邪熱入之於裏以其厚朴枳實之類善開結滯而不能成其結胸之類諸病也故活人書言攻裏之藥調胃承氣最緊小承氣次之大承氣又次之大柴胡最爲緩慢故表證未罷而爲裏熱已甚須可緩下者先大柴胡次大承氣亦可通也若善論開鬱結拂執峻疾得利而效至大設未痊除而亦難再鬱結者大承氣也故活人書復言大承氣最緊小承氣次之

謂胃承氣又次之大柴胡最慢也是以可急下之  
者宜大承氣也故雖大柴亦可下用而復無急下  
之證也或可微下及微和胃如石小承氣湯調胃  
承氣爲後先之次由是觀之五瀉下急下善開發  
而難鬱結可通用者大承氣湯取爲妙也故今加  
甘草名曰三一承氣湯通治二三承氣湯於效甚速  
而無加害也然以其甘草味能緩其急結溫射潤  
燥而又善以和合諸藥而能成功故本草云國老  
子也是以大承氣湯得其甘草則尤妙也然此一  
方是三承氣湯合而爲一也善能隨證消息但有

此方不須復用大小調胃承氣等湯也

棗

或無問傷寒雜病內外一切所傷日數遠近但以腹  
滿咽乾煩渴譫妄心下按之鞭痛或但腹滿實痛或  
小便赤澁大便結滯或濕熱內甚而爲滑泄或熱甚  
喘咳悶亂驚悸瀕狂口疾口瘡舌腫喉痺癰腫瘡瘍  
或傷寒陽明胸熱發斑脈沉須可下者及小兒驚風  
熱極潮搐涎喘昏塞并斑疹痘疹熱極黑陷小便不  
通腹滿喘急將欲死者或斑疹毒熱毒不遐久不作  
痲者痲音加或作斑癰瘡癬久不

痲音加

瘡痲也

已者或怫熱內成

惡毒堅積腹滿而喘黃

明熱

風熱積及大人小

兒父新瘧疾暴卒心胸風痰  
暴傷酒食煩心悶亂脈數沉實或腎水陰虛湯執暴  
甚而僵作卒中或一切暴瘖不語失音或畜執內其  
腸厥極深脈反沈細而欲絕者或表之冲和正氣與  
邪氣并之於裏則裏執亢甚而陽極似陰反爲寒戰  
脈微而絕者或風執燥者客於下焦而大小便澀滯  
或不通者

風木能勝濕土火執能耗水液因而成燥燥則陰  
斂堅結滯不通故風熱燥甚於下焦則燥糞結硬  
腹又緊斂者其燥糞不能相離并膀胱燥鬱不能

傷寒直格 卷中 三  
滲泄故不通也慎不可用銀粉巴豆大毒燥熱圓  
藥下之反生燥熱而耗其陰液也故傷寒下熱古  
皆禁之最宜三乙承氣湯兼用下取法  
或產婦胎死不下者

風熱燥濕緊歛則產戶不得自然開通也其證逆  
脈弦數而滿面赤或青或變五疔已腹滿急痛喘悶  
胎已不動者是也手足溫而脈滑者止爲難產但  
宜滑胎催生慎不可下也

及兩感表裏熱甚欲可下者並宜三乙承氣 大承

氣加甘草是也或下食積及急攻結滯者調下輕

粉一字滯下目疾口瘡咽喉瘡瘍斑疹加涼膈散  
下死胎加益元散

十棗湯 治太陽中風下痢嘔逆表證罷乾嘔短氣  
不惡寒熱熱汗出發作有時頭痛心下痞鞅滿引下  
痛者兼下水腫腹脹并酒積食積一切腸垢積滯疝  
癥堅積或畜熱心腹暴痛或瘧氣久不已者或表之  
正氣與邪熱并甚於裏熱極似陰而反寒戰表氣入  
裏而陽厥極深故脉微而欲絕也并風熱燥甚結於  
下焦太便不通或實熱腰痛者及小兒熱結乳癥積  
熱作發驚風潮搐斑疹熱毒不能了絕者宜以下之

瘀血下證

瘀於預切積也又音於

桃仁承氣湯

治太陽病不解而循經熱結在胸臍

其人如狂血自下者愈表不解者先以桂枝湯解表  
已而但小腹急結者乃以下之 或言少腹者誤也  
臍上爲腹腹下爲小腹小腹兩旁謂之少腹凡下皆  
作小腹也

抵當圓 治傷寒裏熱少腸滿當小便不利今反利  
者有畜血也宜以下之

抵當湯 治太陽日深表證仍在循經而熱畜下焦

脉微而沈不結胸而發狂者熱在下焦少腹當鞭滿



小便自利也血下乃愈宜以攻之或太陽病身黃脈  
泥者循經而畜熱下焦也少腹鞭小便不利爲無血  
小便自利如狂者瘀血證也或陽明畜熱內甚而喜  
忘喜許切或狂大便雖鞭而反易不難也其色黑者有  
畜血也或無表裏証但發熱日深脈雖浮者亦可下  
之或已下後脈數胸熱消穀善饑數日不大便者有  
瘀血也並宜抵當湯下之

### 發黃

茵陳湯 治陽明裏熱極甚煩渴熱鬱留飲不散以  
致濕熱相搏而身體發黃

傷寒直格 卷中 三十四  
或言寒熱相搏而發黃者誤也則如萬物濕熱甚則自生黃色苔或也本傷寒熱極失下或誤汗之溫之灸之熨之或誤服銀粉巴豆大毒熱藥下之反以亡液損其陰氣邪熱轉甚或下之太早熱入裏不成結胸但以發黃者或失寒涼調治或熱勢本惡雖按法之而不能退其熱勢之甚者或下後熱勢不退皆能發於黃也大抵本因熱鬱極甚留飲不散濕熱相搏而黃也

其候但頭汗出身無汗剗頸而還小便不利渴飲水者身必發黃也

熱在衣燥而

汗濕熱在表氣甚不

行則濕熱之氣鬱甚而上行以至頭面陽極之熱  
則濕熱蒸為微汗而頸下無汗然濕熱不能自然  
宣通散越於周身故濕熱鬱之極甚而面目遍身  
發黃色也故白虎湯證遍身自汗出者仲景謂之  
散越不發於黃也小便不利者濕熱發黃之證也  
或小便自利或狂或大便黑者瘀血證也發黃亦  
有譫妄者本所不言以黃證未明故不須言也  
且茵陳湯調下五苓散以利小便退其濕熱也以黃  
者茵陳湯利大小便也

結胸

汗下之後不大便五六日舌乾而渴目瞀小有潮熱  
從心至少腹鞭滿而痛不可近脉尚沈陰滑數或但  
關脉沈緊者通宜大陷胸湯或先下之或脉浮者表  
未罷也不可下之下之宜小陷胸湯及小柴胡之類

和解未罷者方可下之或結胸雖脉浮而裏熱勢惡  
須可下者宜三乙承氣湯一服分作三次約三時許  
服訖得利甚良雖未利稍減脉必漸沉病微者止用  
三一承氣湯半服按而下之裏熱甚者以大陷胸湯

三一承氣湯半服按而下之

謂在前藥之力也然須二方中甘遂反甘草或  
惡者故意以甘草擊甘遂使開發峻疾而爲效速  
矣故世方及活人書雙圓子亦直用甘草甘遂也  
或但結胸別無大段熱證但頭微汗出脉沉潛者水  
結胸也通宜大陷胸湯小結胸者心下按之而痛脉  
浮而滑別無大段熱證也

此亦下之早而熱結心胸也但以熱微於大結胸  
而甚於痞但熱之微甚也俗未明之又以妄謂但  
結胸無大熱證爲寒實結胸殊不知素問明言結  
病而實非寒也及夫臟結陰結陽結者經以熱結

於腑而腑爲陽是名陽結熱結於臟而臟爲陰是  
名陰結一名臟結也然熱結於腑則微而淺故病  
厥微而易治熱結於臟則深而當病甚故厥深而  
難治矣或臟結畜熱極深而至身冷脈微而欲絕  
者表之熱證反不見也俗不知本熱極而致反言  
陰寒臟結本亦病熱極久又妄加熱藥反絕殘陰  
而暴死十無一生因以爲得臟結便爲死病也若  
以素問六氣脈證標本強之則明可見其熱證也  
留飲不散而成頭汗而尿沉澀反附於骨者積

以成水結胸

反水結胸者通宜小陷胸湯也

痞

傷寒表裏俱熱下證未全法當和解誤下之早則成痞心下痞滿而不痛按之軟虛也

然須裏之陰分已受熱入而為病是謂病發於陰也或熱微下證未全則不任轉瀉誤下之早則裏之微熱除去之外反為熱入所損虛而表熱故虛入裏雖不能成結胸亦作痞也俗醫妄謂陰寒之作發下之早而成痞者誤也然病既已為陰寒何得更言發於陰也寒病畢竟不可下何得言其下

之早也既言其早則病熱發於陰也故此之邪熱  
病之表於陽分而裏和未有邪熱反以下之太早  
則裏乃極虛而表之全熱大入於裏此失之至大  
故成結胸而病熱勢惡也痞則誤之小故爲熱勢  
輕微也小結胸者微於大結胸而甚於痞也但分  
誤之大小熱之微甚非謂痞爲寒也故仲景本攻  
痞多用大黃黃連黃芩寒藥耳後或以加附子乾  
姜之類者是以辛熱佐其寒藥欲令開發痞之佛  
熱結滯也非攻寒耳故攻痞不開者後當陷胸湯  
寒藥下其熱也或當用六柴胡大承氣雙下表裏



而無使表熱入裏以成結胸及痞若誤用調胃承  
氣但攻其裏則表熱入裏而亦成痞也或無問可  
下不可下而誤用銀粉巴豆燥熱大毒圓藥下之  
反以損陰亡液以使怫熱太甚亦或成痞或爲諸  
熱變證各以本論詳之

痞脈浮而尚惡寒者表未解也當先桂枝湯解表已  
而後攻痞也或只服五苓散便雙散表裏甚良或痞  
惡寒而汗出者或痞而煩渴小便不利者或痞而留  
飲濕熱下痢者或已成痞而因藥利尚不止以其痞  
滿誤更下之其痞轉甚嘔噦下利心煩燥者無問痞

脉沉浮並宜煎生姜湯生姜湯一味調下五苓散每  
服四五錢頻服或痞不已則後亦實熱煩滿或譫妄  
脉沉無他證者宜大黃黃連瀉心湯或用前方小陷  
胸亦得

### 懊懣

懊懣者煩心熱燥悶亂不寧也甚者似中巴豆草烏  
頭之類毒藥之狀也

梔子湯

治懊懣煩心反復顛倒不得眠者燥熱

鬱於內而氣不能宣通也

經曰血氣者人之神由榮衛血氣運行則神在

中也然神行於表則祭衛氣注於經謂之行陽令人寤猶天之日出爲晝也神行於裏則五臟相生而順傳謂之行陰令人寐故神識外無所用而惑神迷於內則復爲夢也猶日入於夜其夫燥金主澁而濕土主滑夫燥濕之體必先因之於彼氣而後爲其兼化也猶先大涼而物後燥及風勝濕熱耗其液而成燥體及熱太甚則萬物濕潤而出液者也由是表熱無燥者氣血運行通利而成癲狂走呼而力大者也燥熱病於外者氣血壅滯則痿弱而無力也故病內熱而無燥者津液潤澤氣而滑利則昏冒多睡也如洗

心散寒藥言治多睡是也。故小兒晝精健夜安寢。心  
血液不衰也。夫燥熱病於內者。氣血澁滯則懊懣煩  
心不得眠也。夫傷寒之起。熱者因於大發吐下。或嘔  
吐瀉痢自汗過多。或陽熱太甚。損陰耗液。亡液則血  
衰而成燥熱也。或灸熨火烙。或誤服熱劑。或誤因銀  
粉巴豆燥熱大毒。圓藥下之。反損陰亡液。血衰則喘  
熱太甚。多為此誤。經曰。目得血而能視。耳得血而能  
聽。手指得血而能操。掌得血而能握。足得血而能步。  
脈得血而能液。腑得血而能氣。然則一身之至貴者  
莫過於血。故陽熱雖甚。則血液不衰。則榮衛通利。

為病微血液既衰以

為熱怫鬱則病甚也

熱方甚而血液未衰則

氣血宣通而和暢因其

損陰亡液以致血衰而

酒漸以散之燥熱怫鬱

渴病於酒也而再飲後

得平者氣液宣行而

鬱後得散也或不受復

有酒毒已甚燥熱不能散

亦猶世俗妄意以分陽

毋微於陰毒者是謂內外

熱太甚而血液不衰則

血氣運行之太甚而為病者

猶泰極失常以為陽毒

也以血液衰竭燥熱太甚畜

之於內則陽氣不能營

理於表故徧身青冷厥逆病

危極將死者妄謂寒

也因而中外急救其陽

而反招暴禍倘或病熱微而誤中素問言辛熱開  
發強劫之效因以妄矜其能以謂陰毒必死之證救  
之以活致使世俗愈惑而惟恨救之不及誤人多矣  
殊不知但以退熱潤燥散結則氣液宣行而愈也故  
經曰腎苦燥急食辛以溫之開腠理致津液通氣脉  
也然氣通和即津液宣行也故經曰氣和而生津液  
相盛而神自生

或胸滿結滯或頭微汗出煩者梔子湯主之或少  
氣者加甘草一錢或加嘔者及初誤以圍藥下之者  
如生姜半兩凡懊懣虛煩者皆用京州散甚佳及宜

湯濯手足使心胸結熱宜散而已

梔子厚朴湯 治心煩腹滿坐卧不安

池間劉守真湯寒直格卷中

湯美子本  
卷  
四



河間劉守真傷寒論方卷下

臨川葛籬編

新安吳勉學校

習醫要用直格

諸證藥石分劑

麻黃散

麻黃

一兩半去節湯泡去黃汁焙乾研

桂枝

一兩削去剝皮官桂是也

甘草

半兩炙

杏仁

二十粒湯浸去皮尖

右判如麻豆大每服五錢七

七匙也謂不

水一盞

半煎至八分瀘去滓溫服

津阻史切

衣覆以取微

汗 或溫病身煩痛小便自利者加白朮四分微

汗之

每一分二  
不半也

益元散

一名天水散  
一名太白散

滑石

六兩白  
膩好者

甘草

一兩

右爲細末每服三錢蜜多許溫水調下或無蜜亦

可每時日三服或欲冷飲者新井泉調下亦得解

利發汗煎葱白豆豉湯下每服水一盞葱白五寸

豆豉五十粒煮取汁七分調併三四服以効爲度

此藥是寒涼解散熱鬱設病甚不解多服無害但

有益耳本世傳名太白散俗惡性寒葱易得之藥

物而又不明素問造化之理故不取本草神驗之  
言而多不用焉若以隨證驗之乃凡人之仙藥也  
何可缺歟 夫傷寒當汗則不可下當下則不可  
汗且如誤服此藥則汗自不出而裏熱亦獲不效  
亦有裏熱使得宣通而愈者也或半在表半在裏  
可和解而不可吐下發汗者若服此藥多愈或不  
愈亦小減加涼膈散和解尤佳 或自當汗解者  
更加蒼朮粗末三錢同葱豉煎湯調服尤良或孕  
婦不宜滑石麻黃桂枝葦發汗即用甘草一兩蒼  
朮二兩同爲粗末每服四錢水一盞葱白五寸豉

五十粒同煎至六分瀉去滓熱服併二三服取微汗是名逼毒散非孕婦亦可服或大白散加麻黃二兩去節如法煎服世云神白散 或逼毒散加麻黃與蒼木等分去節瀝衆云青龍散 或青龍散更加滑石末與蒼木二倍是爲發汗之妙藥名曰大逼毒散此方唯正可汗者即用誤服之則轉加熱也或解利兩感煎涼膈調下益元散四錢或下乳用猪肉麩羹粥飲湯之類調下四錢不拘時候日三服及宜食肉麩羹粥 催產溫香油梨調下五錢併二三服以產爲度 或死肝不下者

煎三乙承氣湯一服調下益元散五錢須臾更頻  
用油漿調益元散溫服前後俱下而胎下可活產  
母也凡難產或死胎不下皆由風熱燥澀緊斂結  
滯而不能舒緩故產戶不得自然開通也此藥力  
至則結滯頓開而產矣後慎不可溫補而反生燥  
熱也俗未知產後亡液損血疼痛怖懼以致神狂  
氣亂則陰氣損虛邪熱太甚而爲諸熱證由不讀  
素問不知造化故不識證候陰陽反以妄爲產諸  
虛百損便爲虛冷而無熱也誤以熱藥溫補或見  
煩渴者不令飲水本雖善心爲害多矣豈治病之

道但以臨時審其臟腑六氣虛實明其標本如法  
 治之而已矣此藥泛常多用然須為效至大而俗  
 以病異藥同將謂妄行反招侮慢今以黃丹加令  
 桃紅色名曰紅玉散 加青黛令輕碧色名碧玉  
 散 加薄荷葉一分名雞蘇散主療不殊收效則  
 一俗目懵然何能別此可遠妄梅可顯玄功後之  
 學者其究心焉

桂枝湯

桂枝 去皺

芍藥

甘草 各等分 三分為率

右劉如麻黃大每服八錢水一盞半姜三片棗三

枚擘破煎至七分令去滓溫服續後穀熱稀粥溫覆令遍身微汗或暖也及初夏可加黃芩一兩各陽且湯大熱之分及素有熱人可再加知母半兩石膏一兩爲末或更加升麻一分禁生冷粘滑肉麪五辛酒醪息物等桂枝證反下之不成結胸及痞但腰滿証在者本方倍加芍藥大實痛者更加大黃半兩脈弱自利者不加

桂枝加葛枝湯

桂枝

芍藥

甘草

各六分

葛枝

一兩

右如桂枝湯服

謂如桂枝湯對煎服也下並做此

葛枝湯

葛根 一兩

麻黃

炮去黃汁焙乾秤三分

桂枝

去皺

芍藥

甘草

各半兩

石如桂枝湯服

大青龍湯

麻黃

如前製

石膏

爲末各三分

桂枝

一分半

甘草

炙一分

杏仁

十枚湯去皮尖雙仁

右剉如麻豆大抄五錢水一盞生姜三片棗三枚

擘破煎至半盞瀘去滓溫服令身汗濕未潤再服

小青龍湯



半夏

芍藥

細辛

乾姜

桂枝

去分各三分

五味子

二錢

右剉麻豆大每服八錢水一盞半生姜四片煎至七分絞汁溫服○渴者去半夏加栝蒌根三錢○微利去麻黃加堯花彈子大○噎者去麻黃加附子二錢炮以開佛熱結滯○小便不利少腹滿者去麻黃加茯苓四錢○喘者去麻黃加杏仁製如前法此方燥至溫散其水以潤腸胃臟腑之燥以開發佛熱結滯者也

小柴胡湯

柴胡

去苗秤二兩

黃芩

甘草

人蔘

各三分

半夏

六錢泡五七次

右剉如麻豆大抄五錢生姜三片棗三枚切煎至

半盞瀘去滓溫服日三小兒一服作三服

諸藥法同

涼膈散

一名連翹飲子

連翹

一兩

山梔子

大黃

薄荷葉

去毛

黃芩

各半兩

甘草

半兩

朴硝

一分

右爲粗末每服二三錢水一盞蜜少許

或無蜜亦可舊用竹

葉或不須

煎至七分瀘去滓溫服熱甚者可服四錢

亦有可服一二十錢者

治咽喉并涎沫加桔梗

一兩荆芥穗半兩咳而嘔者本方加半夏半兩每服生薑三片煎 衄嘔血者加當歸芍藥各半兩生地黃一兩淋者加滑石四兩茯苓一兩風眩者加川芎防風各半兩石膏三兩酒毒者加葛根一兩斑疹痘瘡加荆芥穗赤芍藥川芎防風桔梗各半兩三歲兒可服七八錢或熱甚黑陷腹滿喘急小便赤澀而將死者此一服更加大承氣湯約以下之得利立甦

凡言加者皆自本方加也但加者每服五七錢以意加減調理 一兩感傷寒下證前後以退表裏之

熱者煎本方四五錢調下益元散三四錢其本方  
皆能治此諸證但加卽爲效也

### 白虎湯

知母

半一兩

甘草

各一兩

粳米

一合

石膏

四兩  
爲末

右剉麻豆大抄五錢水一盞煎至六分去滓溫服

無時日三四服熱甚者服七八錢至十餘錢或咳

或嘔或咳者加半夏半兩陳皮半兩每服用生姜

三片煎服或傷寒發汗不解脈浮者加蒼木半

兩名曰蒼木白虎湯或發汗或下後煩渴口

或大或微惡寒者或不可下者或除可者

藥外並宜加人參半兩以調之各人參白虎湯

五苓散

猪苓

去黑皮

茯苓

白朮

各半兩

桂

去皺一分

澤瀉

一兩

右爲細末每服二三錢熱湯調下惡熱欲冷飲者  
新水調下或生姜湯調下愈妙或加滑石二兩甚  
或喘欬咳煩心不得眠者更加阿膠半兩泡

桂苓甘露飲

一名桂苓白朮散

桂

半兩

茯苓

白朮

各半兩

甘草

炙

澤瀉

石膏

寒水石

各一兩

滑石

二兩

製

右爲極細末熱湯調下三錢欲冷飲者新水調下

或生姜湯調下尤良小兒服一錢

### 白朮散

白朮

茯苓

去皮

人蔘

藿香葉

淨各半兩

甘草

炙一兩半

木香

一分

葛根

一兩

右爲細末白湯調下三錢若煩渴者加滑石二兩病甚者爲粗末每服一兩半水一大升煎至七合絞汁放冷從意續續飲之小兒尤宜

### 四逆湯

甘草

炙

乾姜

各一分

附子

半箇

生

凡用附子以半兩重者佳小者力弱大者性惡非

稱處方之宜也世皆美其大者未知古人之存也

右剉麻豆大用水兩盞煮至一盞絞汁分溫二服  
強實人二劑作三服或畜熱極深者手足厥冷則  
不宜此方當以下之也

茯苓半夏湯

茯苓

去皮

生姜

取汁各一分

半夏

一錢

右剉麻豆大用水一盞煎至四分絞汁下姜汁溫服

半夏橘皮湯

半夏

泡如法 陳皮 湯浸洗去穢

甘草 炙 人蔘

茯苓

黃芩

去腐心 葛根 半兩

厚朴 去皮各一分

右剉麻豆大用水三盞生姜一分切煎至一盞半

絞取汁分四服作一日食後溫服

黃連解毒湯

黃連

去須 黃蘗

黃芩

大梔子

各半兩

右剉麻豆大每服秤半兩水一茶盞煎至四分絞

取汁溫服無時日三四以效為度每一二服效或

腹滿嘔吐或欲作利者每服加半夏二枚全用厚

朴一錢剉茯苓去皮剉水一盞半生姜二片煎



半盞絞汁溫服名曰半夏黃連解毒湯或欲急下者本方加大承氣湯一服生姜煎如前法以利爲度一法爲細末水研如小豆大溫水下二十圓治積熱勞欬瀉痢甚良

### 瓜蒂散

瓜蒂

赤小豆

等分

右爲細末以香豉半合豉水也水一盞半煮取汁半盞調下一錢七不吐加服得快吐乃止虛人不宜

### 大柴胡湯

柴胡

去苗

大黃

各半兩

黃芩

芍藥

各一分

半夏

二錢

枳實三錢生用  
小者是也

枳實不去穰爲效甚速下並同

右剉麻豆大分作三服每服水一盞生姜三片棗  
三枚煎至半盞絞取汁溫服未利再服

大承氣湯

大黃

芒硝

朴

硝有芒  
者亦得

厚朴

去皺

枳實

各半  
兩

加甘草一兩是名三乙承氣湯

右剉麻豆大分一半用水一盞半生姜三片煎至

六分納硝煎一二沸絞去滓熟服

此煎藥須慢火煎沸卽下火爲一沸或言煎至幾

分亦如此法煎不可強火耗去其水也

凡病熱鬱甚而冷服寒藥則病能拒藥多不能下  
故經曰寒因熱用未利再服熱甚者此一劑分大  
半作一服未利再服少半熱更甚者一劑都作一  
服熱勢甚者亦可併此二劑爲一服劑分劑爲方  
得利而效者臨時消息以利爲度消息謂損益多  
少也

凡用藥多少倣於此耳

小承氣湯

大黃半兩厚朴三錢枳實三錢

右判如麻豆大，作二服，每服用水一盞，生姜三片，煎至半盞，絞取汁，熱服。未利再服，或微下者，一劑分作二服，或和胃氣不欲利者，一劑分爲四五服，調胃承氣湯。

甘草

大黃

芒硝

各半兩

右判如麻豆大，分一半，用水一大盞，煎至半盞，絞去滓，納硝煎一二沸，熱服，不利再服。

十棗湯

芫花

慢火炒  
變色

大戟

甘遂

各等分

右爲散

細末

用水一

盞

肥棗十枚

切開

煮取汁

半盞

調下半盞七強實入服一錢七以意加減快

度

桃仁承氣湯

桃仁

湯去皮尖雙仁用板搥碎

芒硝

半兩

大黃

六錢

桂

去皺皮

甘草

各三錢

右剉如麻豆大分作三服每服用水一盞煎至半盞下硝絞取汁執服日三以微利爲度

祇當圓

水蛭

炒

蝨蟲

炒各七枚

桃仁

八粒

大黃

一錢

右爲細末蜜和作二圓用水一小盞煮一圓至

分溫服醉時血未下者再服

抵當湯

水蛭

炒 蝨蟲

炒土 虻足

桃仁

七枚

大黃

一錢

右剉如麻豆大八作二服每用水一盞煮半盞

去滓溫服未下再服

蛭之吉了結二切水機也蝨莫與切

陳湯

茵陳蒿

去莖一兩一

川大黃

半兩

山梔子

七枚

右剉如麻豆大田水兩盞半慢火煮至一盞絞取

汁溫服六分未下再服四分以利爲度勢甚者

眼赤

再作

意

如減

下

如爛

魚肚

及膿

膠饒等物及小便炙出金色如皂角汁或皂膠

欲發黃者此一劑分作四服每服調下五苓散三錢凡治發黃亢越此法也

世俗有傳烙黃而或愈者此強實之人素本中氣不衰而及濕熱鬱之微者烙之而誤中強劫開發得開氣血宣通卽作汗而愈或體質本虛濕熱結甚則劫發不開而反致死者不爲少矣莫若仲景法對證以藥致之則免致強劫不開而反誤人生命也及夫近世長傳有寒極陰毒而內外極救其陽爲害多矣設若病微而誤中

開發得愈亦以鮮矣而傷生者不可勝言也太  
抵凡諸黃者有二一則濕熱氣而黃萬物皆然  
又如麥秀而黔用濕熱過極則黃疸者也及水  
滂而天氣濕熱則草木將死而色變黃者也或  
病血液衰則虛燥熱太甚而身面痿黃者猶亢  
旱而草木萎黃也大病燥熱而黃者當退熱潤  
燥而已此傷寒濕熱極甚而發黃者開結退熱  
雙利大小腑以除水濕則利和而愈也於於林切今作陰  
結胸而發黃者同而胸湯各半服下之或誤肥巴  
豆熱毒圓藥下之又損陰氣遂協熱利不止而



黃者同大承氣久半服下之亦有協熱利不止更  
或結胸而發黃者用茵陳五分同陷胸湯三分大  
承氣二分以下之或兩感發黃者本方加黃連解  
五湯一服急下之或頭微汗小便利而微黃者  
熱微也宜此並于藥皮湯

大山梔子一枚 甘草一錢 黃蘗半兩

右剉如麻豆大此劑則作二服每服水三盞煮至  
一盞絞取汁分三次作一日服

### 大陷胸湯

大黃 芒硝各三錢 甘遂末七字

右剉如麻豆大一剉分作二服每服用水一盞煮  
大黃至六分內消煎一二沸絞汁一字七分溫服  
未快利再服熱惡不利者以意加服

### 大陷胸圓

大黃

半兩

葶藶

三錢

芒消

一分

杏仁

十二箇草  
灰炒色變

右大黃爲細末下葶藶杵再羅研杏仁消如泥和  
圓如彈子大每服一圓入甘遂末三字七分蜜去  
匙水一盞煮至半盞溫服當一宿許乃下未利再  
服

### 陷胸湯

半夏

四錢湯洗全用不割

生姜

二錢

黃連

二錢

栝蒌實

大者半箇惟割其壳子則不割或但用其中子者非也

右以水三盞煮栝蒌取汁一盞半內餘藥煮至一

盞絞取汁一盞分兩次溫服以効爲度

大黃黃連瀉心湯

大黃

黃連

黃芩

各一分一法加生姜一分甚良

梔子湯

大梔子

七枚

豆豉

半合

右以水兩盞煮梔子至一盞半內豉煮至半盞絞

汁溫服

凡加者皆用梔子先煮

或吐者止後服 凡諸梔子湯皆非吐人之藥以其燥熱鬱結之甚而藥頓攻之不能開通則鬱發而吐因其嘔吐發開鬱結則氣通津液寬行而已故不須再服也

梔子厚朴湯

大梔子

七枚

厚朴

半兩炙去粗皮

枳實

二錢

右剉如麻豆大以水一盞半煮絞汁半盞溫服

泛論

寒熱病下後熱不退下證尚在者再三下之必

度雖熱退尚未痊愈者隨證調之凡下之前

或大汗將出或大汗已出俗言好汗是言大汗或汗後煩渴

及諸吐瀉雜病一切煩渴者須以細細飲之渴未止

石頻頻時與但不可過多以成留飲不散者也留飲一名

水畜經曰積飲

夫留飲謂水液留積畜聚於內而不濕潤傳化者

也夫腸胃燥熱太甚則結滯而氣液不能宣通故

雖飲而難以止其煩渴也若以頓飲過多則水濕

過極而腸胃燥熱怫鬱轉以加其水濕痞閉故成

留飲而心腹滿痛或為吐瀉也

傷寒直格 卷下 十五  
設若不與飲之則燥熱轉甚危而必矣

夫腸胃之燥濕猶地最澇適當其宜皆不可過與  
不及凡治病之道以調六氣陰陽使無偏傾各守  
其常平和而已嗟夫世俗或以妄爲冷水寒藥水  
損脾腎隔却大汗但令中外俱熱而欲望其作大  
汗者或大汗欲出腸胃燥熱煩渴及汗已出及慮  
水却大汗不與水者或氣弱久虛煩渴者或吐瀉  
煩渴者或產婦煩渴皆以妄爲氣虛不可飲水也  
此乃未知古人云渴欲飲水爲執在裏也若

疑其裏邪甚而煩渴者若非求飲寒

發陰透其邪熱則陽熱暴甚而少

不與水而反以大毒熱藥燥之寧無損乎耶且

酒之體者水也比之飲水則過能多飲一旋非益

散之外轉能發於渴者以其苦熱養於心火則濕

盛陰衰而燥去水濕之體故旋能消散而善多飲

水也其酒之善多飲者以其酒之熱毒若非復以

水體勝之則亦少飲疾醉者強以飲多則燥熱必

甚而多生病也然酒力之熱善消水體復制酒力

以其熱力多於水體故飲多即熱醉而燥盡水體

勢力尚在則燥熱煩渴而病於酒也然酒之熱耗

盡水體之外尚能燥熱煩渴爲病况病於燥熱太甚而煩渴及不與水者豈不知其害耶凡燥熱煩渴者腸胃易爲怫鬱常以退熱開結散水潤燥之藥調之免致燥熱太甚則怫鬱以成留飲雖多飲亦不止其腸胃臟腑之燥熱煩渴而或腸胃之內濕甚以成吐瀉也涼膈白虎五苓及桂苓甘露之散類隨證以調之也

成留飲諸病者隨證燥之

小青龍湯五苓桂苓甘露黃連解毒湯小陷胸

水氣之類證本方論中



汗

熱病大汗將出而反寒戰者

古人以百病皆爲雜病惟傷寒名曰大病俗言汗病是也經言大汗者非謂邪熱自汗大出者也乃陽氣怫熱鬱結後得開通發散宣通則蒸蒸而爲汗出是謂大汗言大病怫熱邪毒之氣鬱極迺發以爲汗出故曰大汗也故經曰大氣皆去病得已矣

表之正氣與邪熱并甚於裏大熱亢極而反兼水化制之故反寒慄也

化謂造化之化也

經曰少陰所至爲驚或惡寒戰慄譫妄謂少陰君  
火熱氣之所至而爲此等之病也又經曰諸禁鼓  
慄如喪神守皆屬於火注云熱之內作然禁俗作  
噤鼓振搖而動也言禁冷振慄反寒戰也經曰亢  
則害承乃制謂五行之道微者當其本此實其過  
亢則反兼勝己之化以制其甚老子云天之道其  
張弓乎高者抑之斯其道也經云水曰靜順謂靜  
而自已無爲但順物之氣味也及方圓不與物爭  
乃至柔順者也水本寒寒極則水冰如地而能載  
物又經曰水發而雹雪是水寒亢極而反似尅水

之土化是謂兼化也故病寒極者反堅滿也夫土  
主濕黔雲雨而安靜雨濕極甚則飄驟散落是反  
兼風木制其土濕也故經言瘧爲濕極而反似風  
強病也 木主生榮而王於春其氣濕其本風風  
大則反涼而毀折是兼金化制其本也故風病過  
極則中外燥溢皮膚皴揭反氣運行之燥溢而筋  
脉憊緩是反兼金化也 金主於秋而屬於陰其  
氣涼涼極則天氣清明而萬物反燥燥物莫若火  
是金極反兼火化制之也故爲病血液衰少燥金  
之化極甚則反熱也燥物莫若火夏月火盛熱極

甚則天氣曠昧而萬物反潤以出水液林木流津  
及體熱極而反出汗液以火煉金熱極而反化爲  
水是火極而反兼水化制之也故病熱極則反出  
五濕婦人帶下淋瀝及厥逆身冷或爲惡寒戰慄  
而或反冷痛也俗以帶下直言冷病及惡寒戰慄  
便爲陰寒者俗醫未知此也夫天道造化病微必  
當其本化寒見水化熱見火化也病甚者反似勝  
之化如寒極反似濕土熱極反似寒水之化也  
夫百病之極甚者其狀反似於已之相反者然  
求其病之本氣而自端擬疑莫知真源不

已而但隨兼化之虛象妄爲其治反助其病而害  
於生命多矣以至舉世皆云病至危極之時則陰  
陽反變而無能辨別也殊不知但以運氣造化之  
理推之則設若干變萬化而歸其要則一也何得  
有難易之二耶故經曰夫標本之爲道要而博小  
而大可以言一而知百病之害經又曰善言始者  
必念於終善言近者必知其遠是則至數而道不  
惑所謂明矣故老子曰不窺牖見天道不出戶見  
天下其出彌遠其知彌少蓋知要與不知要也古  
聖曰反常合道謂古聖天理大道合同而常俗之

心則有相反者也然古聖道不離於俗者謂道包  
於俗而入俗也又云俗自離道者常俗莫能合於  
道也夫俗則有相而道本無形者正如五行之變  
化微則守常而本化自見乃有相之俗是化以自  
見也甚則反似勝己之化乃無相而反常合道是  
謂變以其取變於本化之相而反見勝己之化也  
變化之道多端此則微甚外相之變化也故仙經  
曰大道似不肖厚德若不足即藏其本相於內而  
反變化勝己之化於外無相乃反常合於道者  
却以道眼觀之則求其內也若但以俗眼觀之

則逐相而遷何由得其要也故聖經所論天地  
化與道合同而俗無所慊但隨俗見編集方論  
乖其理祇合俗心致使後人皆由說反自以爲  
而聖經之妙理粲然罔究病者無辜竟罹橫夭  
可痛者且如經言陽勝則熱陰勝則寒俗直謂  
熱之氣勝則發熱陰寒之氣勝則發寒者皆經  
本旨也此言表裏之陰陽正氣之虛實言正氣  
者爲不病而不勝者爲病也故經曰陰勝則陽  
病陽勝則陰病陽勝則熱陰勝則寒是謂表陽  
之正氣爲不病裏陰之正氣衰而爲受病也裏  
陰之正

氣勝爲不病表陽之正氣衰而爲受病者也此皆  
熱在表裏陰陽之部分者也然病勝在裏爲陽勝  
陰虛病當發熱故發熱爲病熱在裏陽勝陰虛下  
之則愈汗之即死者是也表熱裏和則病當惡寒  
爲陰勝陽虛汗之則愈下之即死者是也故熱在  
表爲陰勝陽虛而言惡寒之寒則爲寒也熱在裏  
爲陽勝陰虛而言發熱之熱則爲熱也故傷寒表  
熱則惡寒當汗裏熱則發熱而當下之又經曰西  
寒則熱重熱則寒者非謂病寒而極重反變也此  
重言當有兩重惡寒則不惡寒而惡熱謂表熱裏



一寒也若裏之陽和正氣又出之於表則寒  
有一重惡寒是謂重寒則反不惡寒而爲發熱  
也若表之正陽之氣與邪熱并入於裏則爲兩重  
發熱則不發熱而後發慄寒戰也此反言陽和衛  
氣并之於表陽分則病氣之勝爲陽勝也病氣與  
衛氣并甚於裏之陰分則爲陰勝也此亦表裏之  
陰陽正氣之與邪熱相併而以言爲虛實也然邪  
熱在於表則惡寒而熱與裏之衛氣并之於表則  
反煩熱也邪熱獨在於裏則發熱而表之正氣與  
邪熱并之於裏則反寒戰也故經云陽虛則外寒

陰虛則內熱此言不任者也正氣虛而受邪熱故  
言虛也又曰陽勝則外熱陰勝則內寒此言併者  
也夫表裏陰陽之分吾人其邪熱之所在其冲和正  
陽之衛氣又爲邪熱如併而爲病之所正氣轉實  
而不虛故經言勝也故經論云陽氣併於陰  
當是之時陽虛而陰盛外無氣故先寒慄也陰氣  
逆極則後出之陽陽氣後併於外則陰虛而陽實  
故先熱而渴又曰并於陽則陽勝并於陰則陰勝  
陰勝則寒陽勝則熱言表裏之陰陽熱氣之虛  
實非寒熱陰陽之虛實也故經曰病在陽則熱而

脈燥在陰則寒而脈靜然氣并於內而外無氣故  
寒戰脈不能燥甚而沈細欲絕靜或不見也夫  
瘧者邪熱與衛氣并則作發而不并則休止也故  
經曰衛氣相離或病得休衛氣集則復病也故又  
云陰虛而陽實實則熱矣衰則氣復反入入則寒  
矣此祇言表裏之陰陽氣不并者爲虛而并者爲  
實其爲病之氣者乃其一也俗未明之直以經  
言陰勝則寒不明其經意以病熱而反惡寒戰慄  
便爲陰寒之病誤之久矣其陰寒之爲病者脈遲  
細不須渴小便清白吐利腥穢屈伸不便厥逆禁

固體寒而不熱不惡寒無戰慄者也故經言人多  
病氣也陽少陰多故自寒如從水中出又曰人有  
身寒湯火不能熱厚衣不能溫不凍慄此是陰寒  
爲病而直云不凍慄寒冷也夫陽動陰靜故經云  
戰慄動搖爲陽火熱氣以爲病也反寒冷者亢則  
害承乃制是火熱極而反似寒水者也故病寒戰  
者反渴及雜病而害戰者多有燥糞也及夫平人  
冒寒而戰慄者寒主閉藏而外冒於寒則裏熱拂  
彰而表之陽和衛氣以外寒逼入於裏則陽并於  
裏而寒戰也夫恐極而戰者經言五志過極則者

本藏恐為腎故經

恐傷腎然腎作而虛則

火自甚而熱也又經曰恐則氣下然陽主出行

榮故心火之志喜則身心放辟而陰主收藏故

水之志恐則身心收斂也夫恐則腎虛心實而熱

正氣收藏陷下於裏亦是陽并於陰而寒戰也夫

酒禁而戰者腸胃酒熱未散身表酒力已消則陽

熱易為畜熱入裏故但冒於寒則陽并於陰而寒

戰也夫欲汗而寒戰者傷寒日深表證罷畜熱於

裏則發熱也若表裏之正氣并入裏則火熱無極

而反寒戰也陰分陽熱之氣逆極而後出之陽則

煩熱而大汗作也

世所謂交陽者非陰寒交熱以爲陽熱也乃怫熱蓄  
之於裏而鬱極廼發則交傳出之於表之陽分是謂  
交陽而後作汗也或怫鬱過極而不能交出於表者  
是鬱極不發否極不泰卽正氣衰殘陰氣先絕則陽  
氣後竭而死矣夫欲汗而脉忽沉細而或不見者湯  
表正氣并入於裏故也交陽而燥亂昏冒者裏熱鬱  
極廼發而欲出以怫鬱而陽之氣極不能出故氣亂  
則神背而燥擾也 凡欲作汗無問病之微甚或以  
新下者或下證未全者恒以涼膈散調之甚者宜

連解毒湯或下後二三日或未經下腹滿煩渴  
沈實而有下證者三一承氣湯下之勢惡者加黃連  
解毒湯下之或已戰不快者或戰後汗出不快者或  
微戰數次經大戰而汗不出者乃并之不甚而病之  
不速也通宜三一承氣湯或更加黃連解毒湯下之  
以散怫熱而開鬱結也 大法曰脈浮不可下傷寒

病已有裏証脈沉之下裏証尚在脈漸浮至一二日  
汗不能出者裏証鬱發之不以病已三一承氣湯微  
下之凡此諸可下者或得利而汗便出者或服藥而  
怫鬱頓然開發先汗出而後利者或利性但隨汗出

泄則氣和而愈更不利者說不快交不過而死者止  
出裏熱極甚而不能開發也故常以寒涼或下拂熱  
元致但以其作汗而爲邪熱耗絕陰氣而歿也或不  
戰而汗出者衆不能盡而陽不并陰也或戰而無汗  
而自愈者津液已衰以經發汗吐利或自汗吐利亡  
液過多則津液衰竭無由作津但氣和而愈也  
或不戰無汗而愈者陽不并陰則不戰津液已衰故  
無汗而已也

世俗未知而直以惡寒戰慄名陽熱氣虛陰寒  
而爲治誤人多矣



受汗

天大汗將出者慎不可限其煩熱而外用水濕及厚涼制其熱也

陽熱開發將欲作汗而出者若爲外風涼水濕所薄則怫熱反入於裏而不能出泄病多危極而矣

亦不可恨其汗遲而厚衣壅覆欲令大汗快而早出也

怫熱已甚而鬱極迺發其發之微則順甚則逆順則發易逆則發難病已怫熱作發而煩熱悶亂矣

以厚衣壅覆太過則陽熱暴然太甚陰氣轉衰而正氣不榮則無由開發卽燥熱喘滿危而歿矣

汗後

復解散

昔解風寒暑濕饑飽勞逸憂愁思慮恚怒

忿怒四時中外諸邪所傷億覺身熱頭疼拘攣強瘕無問自汗無汗增寒發熱渴與不渴有甚傷寒疫毒

并病兩感風氣雜病一切舊病作發三日裏外並心

之設若感之勢甚本難解者常服三兩日間亦

可並無所損或裏熱極甚腹滿實痛煩渴譫症

白晝下者以大承氣湯下之三乙承氣湯亦妙

後未愈或證未全或大汗前後逆氣或汗後餘熱

不解或遺熱勞復或感他人病氣汗去毋傳染或中瘴

氣馬氣羊氣一切穢毒并漆毒酒食一切藥毒及墜

墮打撲傷損疼痛或久新風眩頭疼止風偏枯破傷

風洗頭風風癩病或婦人產後諸疾小兒驚風積聚

瘡瘍疹痘諸證無問日數但服之周身中外氣血宣

通病皆除愈是防風通聖散加天水散各一半

防風 川芎 當歸 芍藥 薄荷葉淨

大黃 麻黃去根節 連翹 芒消別一附 石膏別研

桔梗各一兩 滑石十五兩 白朮 山梔子

方集重各 卷六 二十六

荆芥葉

甘草

四兩  
剉監

黃芩

各  
分

右爲麤末每服五錢六錢水一大盞半入葱白五寸鹽豉五十粒生姜三片煎至一盞濾汁去滓溫服無時日三四服以効爲度常服三錢水一中盞煎六分絞汁溫服不拘時兼夜四服設痊愈後更宜常服使病不再作新病不生並無過竟無問歲數乃平人常服之仙藥也凡人已衰老則腎水真陰損虛卽風熱燥鬱甚精血涸竭枯燥而歿但以此藥扶補滋潤者也嗟夫世俗反以妄傳中年以止火氣漸衰止是虛冷更無熱病誤服熱毒之劑

皆人無數豈知識病之法全憑勝證以別寒熱陰陽虛實豈可以中年上下爲則也此藥除孕婦及產後月事經水過多并泄瀉者不宜服或治雜病亦宜治風熱極妙一名通氣防風散一名通解散

傷寒傳染論

夫傷寒傳染之由者因聞大汗穢毒以致神狂氣亂邪熱暴甚於內作發於外而爲病也則如西山記曰近穢氣而觸真氣錢仲陽云步履異穢之履無使近於嬰兒若聞其氣則令兒急驚風也孫真人云乘馬遠行至暮當沐浴更衣然後方可近於嬰兒使不

聞馬汗氣毒不然則多爲天吊急驚風搖也故剝死  
馬者感其毒氣而成馬氣丁黃之疾皆由聞其毒氣  
之所作也故聖惠方一法大汗出則懸藥於戶辟其  
大汗穢毒無使傷於人也世以艾灸席隅者皆其義  
也多染親屬憂戚侍奉之人勞役者由其神氣怯弱  
易爲變亂故也何以知傳染脉不浮者是也若誤以  
熱藥解表不惟不解其病反甚而危殆矣其治之法  
自汗宜以蒼朮白虎湯無汗宜滑石涼膈散熱散而  
愈其不解者適其表裏微甚隨證治之而與傷寒之

法皆無異也

傷寒

卷終